

Morning Dogri (NSD) Bulletin 10-10-2023

आकाशवाणी

- अमरीका, फ्रांस, जर्मनी, बरतानिया ते इटली नै इजराइल उप्पर हमास दे हमले दी निंदा कीती ऐ। इस जंग च मरने आहलें दी गिनतरी 1500 तोड़ी पुज्जी गई ऐ।
- खजाना मंत्री निर्मला सीतारमण होर विश्व बैंक आई.एम.ए. दे इलावा ए.एम.सी.बी.जी दी बैठक च शामिल होडन।
- जम्मू-कश्मीर दे शोपियां जिले च अलसीपोरा थार इक टाकरे च दो आतंकवादी मारे गए न।
- प्रधानमंत्री नरेंद्र मोदी होर एशियाई खेड़ों च हिस्सा लैने आहले भारती खेड़ारिं दे दल कन्नै नर्मो दिल्ली च मलाटी करडन ते उनेंगी संबोधित करडन।
- क्रिकेट च मर्दे दे आई.सी.सी विश्व कप च अज्ज धर्मशाला च इंग्लैं. दा मुकाबला बंगलादेश जदकि पाकिस्तान दा मुकाबला श्रीलंका कन्नै हैदराबाद च खे.आ जाग।

<><><><><><>

World Leader Israil

अमरीका, फ्रांस, जर्मनी, बरतानिया ते इटली दे नेताएं सांझे तौर पर बयान जारी करिए इजराइल पर आतंकी सहूह हमास दे हमले दी निंदा कीती ऐ।

अमरीका दे राष्ट्रपति जो बाइडन, फ्रांस दे राष्ट्रपति इमैनुअल मैक्रॉन, जर्मनी दे चांसलर ओलिव शोलज़, इटली दी प्रधानमंत्री जियोर्जिया मेलोनी ते बरतानिया दे प्रधानमंत्री रिषी सूनक होरें सांझे बयाने च आखेआ ऐ जे हमास दी आतंकी कार्रवाई दा कोई न्यायिक मकसद नेई ऐ। बयान च आखेआ गेआ ऐ जे दुनिया नै दिक्खेआ ऐ जे हमास दे आतंकिंगं लोके गी उंदे घरे च जाइयै मारेआ ऐ। गीत-संगीत दे कार्यक्रमे दौरान हमले कीते गए जेदे च 200 थवां मते नौजोआन मारे गे। आतंकिंगं गुजुर्ग महिलाएं, बच्चे ते परौआरे गी अगुवाह करी लैता जेड़े हुन हमास दे बंधक न। बयाने च आखेआ गेआ ऐ जे एह सारे मुख्य इस चाल्ली दी आतंकी कार्रवाई थवां देश ते अपनी जनता दी राखी आस्तै कुसै बी जत्न च इसराइल दा समर्थन करडन।

Israel

इजराइल दे रक्षा मंत्री योव गैलेंट होरें गाजा पट्टी गी पूरी चाल्ली बंद करने दा हुकम कीता ऐ जेदे च बिजली, ईंधन ते खानपान सामग्री पर बी बंदश लाई दिती गई ऐ। गाजा पट्टी पर जंग करी मरने आहले दी गिनतरी 1500 टप्पी गई ऐ जदकि 1 लक्ख 23 जहार लोक बेघर होए न। गाजा दे सेहत मंत्री होरें आखेआ ऐ जे इजराइल दे मिसाइल हमले च 600 लोक मारे गए न जदकि 2 जहार 750 घाल होई गए न। इजराइल च मरने आले दी गनतनी 900 पुज्जी गई ऐ ते तकरीबन 200 घायल होई गए ।

अमरीका दी सरका नै तस्दीक कीती जे जे ओहदे 9 नागरिक मारे गए न जदकि नेपाल नै बी उन्दे 10एं नागरिकें दे मारे जाने दी तस्दीक कीती ऐ।

Seeta-Raman

केंद्री खजाना मंत्री निर्मला सीतारमण मोरक्को दे माराकेच दी अधिकारिक यात्रा पर रवाना होई गेइयां न। ओह जी-20 ए.ए.सी.बी.जी बैठकें दे कन्नोकन्नी विश्व बैंक समूह ते अंतरराष्ट्री मुद्रा कोष दी सालाना बैठकें च बी हिस्सा लैडन। सालाना बैठकें च दुनिया भर दे वित्त मंत्री ते केंद्रीबैंक हिस्सा लैडन। खजाना मंत्री श्रीमति सीतारमन ते आर.बी.आई दे गवर्नर शक्तिकांत दास चौथी जी-20 खजाना मंत्रिणं ते केंद्री बैंक गवर्नरें दी बैठक दी सह अध्यक्षता करडन।

<><><><><><><><>

Terrorists

जम्मू-कश्मीर दे शोपियां दे अलशीपोरा इलाके च सुरक्षा बलें लश्करे तैयबा आतंकी संगठन कन्ने जुड़े दे दऊं आतंकवादिएं गी मारी मकाया ऐ। एह टाकरा अदूं पखेआ जदूं आतंकियें दी छप्पने दी सूह मिलने मगरा सुरक्षा बलें इलाके च तपाशी अभियान शुरू कीता हा। कश्मीर जोन पुलस नै सोशल मीडिया पोस्ट उपपर जानकारी दिती ऐ जे मारे गेदे दवें आतंकियें दी पंछान मोरिणं त मकबूल ते जामिज ँ।रूख उर्। एलायस नांस कन्नै होई ऐ ते एह दवै प्रतिबंधत आतंकी संगठन लश्करे तैयबा कन्नै जुड़े दे हे।

एपीजीपी कश्मीर होरें गलाया ऐ जे अबरार कश्मीरी पंत संजय शर्मा दी हत्या च शामिल हा। संजय शर्मा दी हत्या रवरी म्हीने पुलवामा च ओहदे घरा दे बाहर करी दिती गई ही। ओह जेएके बैंक च बतौर एटीएम गां दा कम्म करदा हा। रियासती जांच एजेंसी नै पिछले किश म्हीने थमां संजय शर्मा दी हत्या दे सरबंध च दक्खनी कश्मीर दे त्रुं जिलें दी 7 थाहरें उप्पर छापेमारी कीती ऐ।

PM-Athletics-Meet

प्रधानमंत्री नरेन्द्र मोदी होर अज्ज नर्मो दिल्ली च एशियाई खेडूं च हिस्सा लैने आले भारतीय एथलीटें दे दल कन्नै गल्लबात करगंन ते उनेंगी संबोधत करगंन। इस कार्यक्रम च प्रधानमंत्री एशियाई खेडूं च बेहतर उपलब्धि आस्तै एथलीटें दी सराहना करगंन। उनें गी भविक्ख दिएं प्रतियोगिताएं आस्तै प्रेरित करगंन। एशियाई खेडूं च 28 सुन्ने सनें भारत नै कुल 107 तगमें हासल कीते न। एशियाई खेडूं च एह भारत दा सब्बने थमां बेहतरीन प्रदर्शन ऐ। कार्यक्रम च एशियाई खेडूं आस्तै भारतीय दल दे खारी उंदे कोच, भारतीय ओलंपिक संघ दे अधिकारी ते राष्ट्रीय खेडू महासंघें दे प्रतिनिधि हिस्सा लेंगन।

<><><><><><>

Home Minister Telangana

केंद्री गृह मंत्री ते भारती जनता पार्टी दे वरिष्ठ नेता अमित शाह अज्ज तेलंगाना दे आदिलाबाद च इक जनसभा गी संबोधित करे होई राज्य च चुना अभियान दी शुरूआत करण। मगरा श्री शाह सिकंदराबाद च बुद्धिजीविण कन्नै बैठक करडन। पार्टी दे प्रदेश अध्यक्ष जी. किशन रेड्डी होरें कल संझा हैदराबाद च इसदी जानकारी दिंदे होई दावा कीता जे लोक राज्य च सत्ता परिवर्तन चाहंदे न।

Election

मध्य प्रदेश, छत्तीगढ़, राजस्थान, तेलंगाना ते मिजोरम च विधानसभा चुनाएं दी तरीकें दा ऐलान होई गेआ ऐ। मध्य प्रदेश च इक गेड़ च 17 नवंबर गी मतदान होग। छत्तीगढ़ च 2 गेड़ें च 7 ते 17 नवंबर गी वोट पाए जाडन। इसदे अलावा राजस्थान च 23 नवंबर गी इक गेड़ च गै वोट पाए जाडन। मिजोरम च 7 नवंबर गी तेलंगाना च 30 नवंबर गी इक गै चरण च मतदान होग। मुख् चुना आयुक्त राजीव कुमार होरें नर्मि दिल्ली च आयोजित इक प्रेस कांफ्रेंस गी संबोधित करदे होई दस्सेआ जे 5 राज्यें च वोटें दी गिनतरी इक गै दिन 3 दिसंबर गी होग। मुख् चुना आयुक्त होरें दस्सेआ जे 5 राज्यें च लगभग 16 करोड़ 14 मतदाता न। इंदे च 8 करोड़ 20 लख मर्द मतदाता न।

इस बारी 60 लकख 20 ज्हा मतदाता पैहली बा वोट पाने आले अपने अधिकार
दा इस्तेमाल करडन।

<><><><><><>

Nobel

अमरीका दी प्रोेसर क्लांिया गोलन हों गी श्रम बाजार च महिलाएं दा
योगदान विषय पर व्यापक शोध करने पर अर्थ बवस्था दा 2023 बरे ंदा
नेबल पुरस्कार दिता गेआ ऐ। इस बारै रायल स्वीिश अकेमी नै कल घोषणा
कीती। क्लांिया गोलन, हारवर् यूनिवर्सिटी च प्रोेसर न ते अर्थ बवस्था दा
नोबल पुरस्कार हासल करने आली कुल 55मीं अर्थ शास्त्री ते त्री महिला न।
मेिसिन, िजिक्स, कैमिस्ट्री, साहित्य ते शांति गितै बी नोबेल पुरस्कार दिते
जाडन जिंदी घोषणा पिछले हफते कीती गई ही।

<><><><><><>

Agriculture Science Congress

16मीं कृषि विज्ञान कांग्रेस अज्ज दपैहरी मगरा केरल दे कोच्ची च शुरू होगा।
केंद्री मत्स्य, पशु पालन ते ंयरी मंत्री पुरषोत्तम रूपाला 4 दिन दे इस आयोजन
दा उद्घाटन करडन।

एह मन्ने परमन्ने दे राईबाई सरबन्धी साइंसदानें, अर्थ शास्त्रिणं, नीति निमित्तिणं करसानें ते उद्यमिणं गी इक मंच उपलब्ध करोआग ते शोध दे नतीजे ते विचारें दे आदान-प्रदान दा मौका देग।

ICC-World Cup

आई.सी.सी क्रिकेट विश्व कप 2023 च अज्ज इंग्लैंड दा मुकाबला बंगलादेश कन्ने होग। एह मैच बङ्गलै साङ्गे 10 बजे थ्वां धर्मशाला च शुरू होग। जिसलै कि दपैहरी 2 बजे पाकिस्तान ते श्रीलंका बश्कार हैदराबाद च मैच खेआ जाग। कल खेङ्गे गेदे मैच च न्यूजीलैंड नै नीदरलैंड गी 99 रन कन्ने हराई दिता।

<><><><><><>